

30.11.18| Axudas para a realización de viaxes por razóns de interese social, asistencial ou humanitario. (S.X Emigración)

Normativa:

Resolución do 16 de maio de 2018, da Secretaría Xeral da Emigración, pola que se establecen as bases reguladoras para a concesión de axudas de emerxencia social e para a realización de viaxes por razóns de interese social, asistencial ou humanitario, e se procede á súa convocatoria para o ano 2018 (PR935A).

Obxecto:

Axudar a persoas emigrantes de nacionalidade española e de orixe galega residentes no exterior que carezan dos recursos económicos necesarios para atender situacións sobrevidas de carácter extraordinario de emerxencia social, sanitaria ou asistencial, que precisen dunha actuación urxente, para evitar ou paliar situacións de necesidade ou exclusión social, así como as que teñan por obxecto sufragar os custos das viaxes que teñan que realizar, por razóns destas características.

Estas axudas teñen carácter persoal e intransferible, non orixinan ningún dereito subxectivo para as persoas beneficiarias. Son incompatibles con calquera outra das reguladas pola Secretaría Xeral da Emigración ou organismos públicos para os mesmos conceptos.

Persoas beneficiarias:

As persoas emigrantes galegas e os/as seus/súas fillos/as, que posúan a condición de persoas galegas residentes no exterior, de acordo co seguinte: terán a condición de persoas galegas residentes no exterior aqueles emigrantes que teñan nacido en Galicia ou ben acrediten ter residido en Galicia de forma continuada durante dez anos con nacionalidade española, así como tamén os/as seus/súas fillos/as que teñan nacionalidade española e que se encontren vinculados con calquera concello galego no padrón de residentes no exterior (PERE) ou no censo electoral de residentes no exterior (CERA). Excepcionalmente, para o caso de teren que realizar unha viaxe as persoas que non poidan valerse por si mesmas, tamén poderá ser beneficiario/a unha persoa acompañante

Requisitos:

Deben cumprir os seguintes requisitos no momento da solicitude:

A. Ter rendas, ingresos insuficientes, tanto a persoa que vai realizar a viaxe, coma o acompañante ao que, de ser o caso, tamén se lle outorgue a axuda, e os familiares que, de ser o caso, vaian acoller ou ser atendidos pola persoa que se despraza. Considéranse rendas ou ingresos insuficientes cando sexan, en cómputo anual, iguais ou inferiores a:

- 1,2 veces a **Prestación económica por anciandade**, nos países en que esta contía estea fixada (para o ano 2018), computando todo tipo de rendas, mesmo as axudas públicas ou privadas.
- Naqueles países para os cales o Estado español non teña fixadas as contías das prestacións económicas por anciandade, a referencia será o 80% da contía da **PNC de xubilación**, do Estado español por xubilación vixente no ano desta convocatoria.

Se o/a solicitante carece de rendas ou ingresos suficientes, pero convive con outra/s persoa/s nunha mesma unidade económica familiar, a contía anterior virá determinada pola suma do límite máximo de ingresos persoais (que virá dada, segundo o caso, pola prestación asistencial por anciandade, PNC ou SMI) máis o resultado de multiplicar o 30 % da devandita cifra polo número de persoas que convivan, ou do 70 % no caso de menores de 16 anos, menos un.

A estes efectos considerárase:

- Unidade económica familiar: a formada pola persoa solicitante da axuda, cónxuxe ou parella de feito, fillos e parentes por consanguinidade ou afinidade ate o segundo grao que convivan coa persoa solicitante.

Organigrama de parentesco

- Rendas ou ingresos computables os bens ou dereitos de que dispoña anualmente a persoa beneficiaria ou a unidade económica familiar, derivados tanto do traballo como do capital, así como calquera outro substitutivo daqueles.

En casos acreditados de graves situacións de catástrofes naturais ou de calquera outra causa que orixine unha situación repentina de desamparo ou emerxencia, a Secretaría Xeral da Emigración poderá modificar os niveis de rendas para poder ser persoa beneficiaria destas axudas.

B. Ter patrimonio insuficiente

A carencia de patrimonio deberá ser acreditada polas mesmas persoas que no punto anterior.

Considerarase que existe patrimonio mobiliario suficiente cando existan bens mobles na unidade económica familiar cun valor superior ás contías previstas no punto anterior en cómputo anual. Así mesmo, considerarase que existe patrimonio inmobiliario suficiente cando o valor patrimonial ou equivalente dos inmobles, na unidade económica familiar, agás a vivenda habitual, supere en 2,5 veces as contías previstas no punto anterior deste artigo en cómputo anual. Estes niveis de patrimonio poderán ser modificados nos mesmos casos e nos mesmos termos que o establecido no último parágrafo do punto anterior.

C. Acreditar razóns de carácter social, sanitario ou asistencial de situacións sobrevidas que pola súa gravidade requiran unha urxente atención, ou ter a necesidade de realizar a viaxe para a que se solicita a axuda por mor destas razóns:

- Atoparse no exterior en situacións de marxinación social, ou de tal grao de dependencia, que non se poida valer por si mesmo e non ter cuberta a necesidade de atención por ningún medio.
- Situacións derivadas da perda, inadecuación ou dotación básica da vivenda habitual ou familiar e carecer de medios para paliar esta situación.
- Situacións derivadas de problemas perentorios referidos á alimentación, vestido, educación e outros de natureza análoga non cubertos polos diferentes sistemas de protección.
- Situacións derivadas de problemas sanitarios graves cuxo tratamento non estea debidamente cuberto ou con respecto dos cales, para a axuda de viaxes, a súa atención no Estado español, tanto nun centro incluído na rede sanitaria pública como nun centro privado, supoña unha vantaxe significativa. Nestes casos deberá ser acreditado previamente pola persoa solicitante da axuda que ten cuberta a correspondente prestación sanitaria.
- Situacións sobrevidas causadas por graves catástrofes naturais ou outras causas que provoquen a perda ou grave deterioración da vivenda habitual e do enxoval.
- Aqueloutras situacións de carácter social, asistencial ou humanitario que deriven na necesidade dunha intervención urxente.

Axudas:

- a. No caso de atoparse no exterior en situacións de marxinación social, asignaráselle una axuda económica única do 15 % do importe da PEA (prestación por razón de necesidade) correspondente ao país de residencia, e incrementarase un 5 % en caso de que o grao de dependencia sexa tal que a persoa non se poida valer por si mesma.
- b. Para as situacións derivadas da perda, inadecuación ou dotación básica da vivenda habitual ou familiar e carecer de medios para paliar esta situación, a axuda económica será do 50 % do orzamento presentado, cun máximo de 3.000 €, tal e como se indica neste artigo.
- c. En situacións derivadas de problemas perentorios referidos á alimentación, vestido, educación e outros de natureza análoga, será de aplicación o criterio referido na letra a).
- d. En situacións derivadas de problemas sanitarios graves cuxo tratamento non estea debidamente cuberto no país de residencia, aplicarase o criterio indicado para o suposto b).
- e. Para a axuda de viaxes, a axuda consistirá no custo da pasaxe e está recollido na resolución de convocatoria que a contía máxima que se concederá será de 1.500 € por persoa beneficiaria.

En todo caso, a contía máxima da axuda concedida por persoa beneficiaria non poderá exceder 3.000 €, excepto para as axudas destinadas á realización de viaxes, que deberán realizarse na clase máis económica do medio de transporte que se utilice, nas cales a contía máxima que se conceda ou de custos que se satisfagan será de 1.500 € por persoa beneficiaria.

Gastos subvencionables.

- a. Os derivados das urxencias sociais e sanitarias recollidas no artigo 4.c).
- b. De custos de viaxe: os necesarios para paliar os efectos das causas expostas anteriormente, que precisen o traslado da persoa interesada a outro país que non sexa o de residencia habitual. Para estes efectos, entenderanse incluídos nestes custos os de emisión do billete, así como os correspondentes a taxas e impostos directamente relacionados coa emisión daquel. De ser o caso, tamén se entenderán incluídos os custos derivados da tramitación de permisos ou documentos oficiais que sexan requisito indispensable para efectuar a viaxe.

Documentación (orixinal ou copia compulsada):

- **Solicitude | Presentación electrónica na sede**
 - a. DNI da persoa solicitante que posúa a nacionalidade española, no caso de non prestar o seu consentimento expreso para que a Secretaría Xeral da Emigración comprobe, por medio de acceso electrónico. As persoas que non dispoñan de DNI presentarán o pasaporte ou documento de identidade en que consten os seus datos persoais.
 - b. Certificado de inscrición no Rexistro de Matrícula Consular ou outro documento oficial xustificativo que acredite a residencia continuada no exterior e a nacionalidade española en que conste a dilixencia de inscrición no Rexistro de Matrícula Consular, agás en casos de imposibilidade de obtención.
 - c. Documentos acreditativos da orixe galega mediante calquera documento oficial que acredite un dos dous requisitos seguintes:
 - Nacer en Galicia ou que a última veciñanza administrativa en España fose en Galicia de forma continuada durante dez anos.
 - Ter vinculación con calquera concello galego no censo electoral de residentes no exterior e ser descendente ata o segundo grao de consanguinidade, dunha das persoas descritas no parágrafo anterior.
 - d. Documentos acreditativos da situación económica tanto da persoa beneficiaria da axuda como, de ser o caso, do/a acompañante e da familia de acollemento:
 - Copia da última declaración presentada do/a interesado e/ou os membros da unidade económica familiar e, de ser o caso, do/a acompañante e da familia de acollemento. No caso de que non exista obriga de presentar declaración da renda das persoas físicas ou declaración similar ou non estean obrigados a realizala, unha xustificación desta circunstancia e certificación ou xustificante acreditativo dos ingresos, rendas ou pensión de calquera natureza que perciba a persoa interesada e os membros da unidade económica familiar e, se é o caso, da persoa acompañante e da familia de acollemento.
 - Certificado catastral ou documentación similar en que conste o valor patrimonial dos bens inmobles, agás a vivenda habitual, de que dispoñan os membros da unidade económica familiar da persoa solicitante e, se é o caso, da persoa acompañante e da familia de acollemento.
 - e. Documentos xustificativos do estado de necesidade que fundamente a solicitude, emitidos por un organismo oficial ou con ampla traxectoria no eido asistencial ou no campo sanitario. Consideraranse válidos os certificados emitidos por profesionais destes ámbitos visados polos correspondentes colexios oficiais.
 - f. Para a realización no Estado español de prestacións sanitarias, acreditación da súa cobertura pola Seguridade Social ou polo centro sanitario onde tal prestación se vaia realizar. No caso de acollemento familiar ou asistencial, acreditación por parte da familia ou centro de acollida de facerse cargo da persoa beneficiaria da axuda.
 - g. Para o caso de necesitar da asistencia dunha persoa acompañante, certificados expedidos por organismos oficiais, acreditativos do grao de discapacidade e da necesidade de asistencia dunha terceira persoa durante a viaxe, só no caso de non autorizar a Secretaría Xeral da Emigración a verificar este dato, ou cando no fose recoñecido pola Xunta de Galicia.
 - h. Para o caso de que a persoa solicitante da axuda teña necesariamente que viaxar cunha persoa acompañante, esta deberá cubrir tamén o anexo II, e presentar a documentación que se especifica na letra c), do punto anterior e copia do seu DNI e pasaporte.
 - i. Outra documentación xustificativa ou informes do estado de necesidade que fundamenten a solicitude de axuda, que completen e faciliten a graduación do estado de necesidade.

Lugar de presentación:

- Preferiblemente por vía electrónica a través do formulario normalizado dispoñible na sede electrónica da Xunta de Galicia <https://sede.xunta.gal>
- Opcionalmente, poderanse presentar as solicitudes presencialmente en calquera dos lugares e rexistros establecidos na normativa reguladora do procedemento administrativo común.

Prazo de presentación:

Ata o 30 de novembro de 2018, incluído.

